



Mtetezi Wetu

Maana mmejua neema ya Bwana wetu Yesu Kristo, jinsi alivyokuwa maskini kwa ajili yenu, ingawa alikuwa tajiri, ili kwamba ninyi mpate kuwa matajiri kwa umaskini wake.—2 Wakorintho 8:9.

Ikiwa wapo wale wanaofikiri kwamba wanaofikiri kwamba wanajitoa mhangaki kikiubwa sana kwa ajili ya kazi, hebu na watafakari kafara Kristo aliyofanya kwa niaba yao. Jamii ya wanadamu ilikuwa katika hukumu ya kifo, lakini Mwana wa Mungu alivika uungu Wake kwa ubinadamu, na kuja hapa duniani ili aishi na kufa kwa niaba yetu. Alikuwa ili asimame dhidi ya jeshi la malaika walioanguka. Ni lazima tuwe na Mtetezi, naye Mtetezi wetu alipokuja, alijivika ubinadamu; kwani lazima awe katika hali awezayo kupatwa na majaribu yote ambayo kwa haya mwanadamu anashambuliwa, ili apate kuelewa namna ya kuwakomboa watauwa toka katika majaribu. Alisimama katika kilele cha jamii ya kibinadamu, ili mwanamume na mwanamke wapate kuwezesha kusimama mahali panapofaa.

Kristo hakuja duniani pamoja na jeshi la malaika. Huku akiweka pembeni vazi Lake la kifalme na taji ya kifalme, alishuka kutoka katika nafasi Yake ya juu kabisa, na kwa ajili yetu akawa maskini, ili sisi kupitia katika umaskini Wake tupate kuwa matajiri. Huu ni mpango ulioandaliwa kwenye nyua za kimbangu. Ilimpasa Mkombozi wa mwanadamu azaliwe katika umaskini, naye ilimpasa atende kazi kwa mikono Yake. Yesu alifanya kazi pamoja na baba Yake kwenye biashara ya useremala, na katika yote aliyofanya aliweka ukamilifu. Wenzake daima walikuwa wakimtafutia makosa kwa sababu tu alikuwa mkamilifu sana. Walikuwa wakihoji, kuna faida gani ya kuwa mahsusi kiasi hicho? Lakini alikuwa akifanya kazi hadi alipofikisha kile alichokuwa akikifanya karibu na ukamilifu kadiri alivyoweza, kisha alitazama juu nuru ya mbinguni iking'aa usoni mwake, na wale waliomkosoa waligeukia mbali Naye wakiwa wameaibika wenyewe. Badala ya kuwalipizia wale waliomtafutia ubaya, alikuwa akianza kuimba moja ya zaburi, na kabla ya wale waliomkosoa kujua, walijikuta wao pia wakiimba.

Kamwe, kazi mbovu yoyote isiruhusiwe kwenye taasisi yetu yoyote. Kila mwanafunzi na afundishwe kwamba ili afikie ukamilifu wa ujenzi wa tabia, ni lazima awe mwaminifu katika majukumu madogo kabisa anayopewa. "Ninyi ni shamba la Mungu, ni jengo la Mungu, na kazi yenu yapasa ifanywe kama mbele za Mungu Mtakatifu. Fanyeni kwa ubora kadiri muwezavyo, na malaika wa kimbangu watakusaidieni kuifikisha kazi kwenye ukamilifu... Kristo aliacha nyua za kimbangu, na kuja hapa duniani kufanya upatanisho kwa ajili yetu. Wote wamjiao Yeye kwa imani iliyo hai watawezesha kusimama kwenye eneo zuri...

Hebu na tuwe na tabia zilizo safi sana na takatifu kiasi cha Kristo kuweza kutuwasilisha kwa furaha kwa Baba. Hebu na tujazwe kwa kanuni hai za ile kweli kwa ajili ya wakati huu. Hebu tuishi maisha yatakayoongoza wenye dhambi kwake Mwokozi...Tunaweza kukamilishwa katika Yeye. Kwa namna gani? Kwa kuwa washirika wa tabia ya Mungu (The Review and Herald, Juni 1, 1905).